

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第四十二輯
沈雲龍主編

奧 籙 朝 鮮 三 種

周家祿著

文海出版社印行

奧籀移朝
鮮三種

鄭孝胥書

Wt 100 / 24 1/2

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



朝鮮三種序

光緒己亥遇海門周彥升廣文於武昌出所著朝鮮
三種見示保初讀之慨然曰嗟乎疆場之事固有難
言者乎壬午之役王師東征陸警水慄當時籍其土
地而郡縣之固自易易計不出此乃令孤軍遠戍饜
絀兵單姦人乘釁未幾復有甲申十月之變又未幾
遵約撤兵復有甲午之變則謀國諸臣不能不執其
咎矣何以言之倭之窺窬朝鮮非一日矣壬午甲申
亂再作而卒不獲逞若是者何哉壬午則我師先至
甲申則先武壯公移軍旅順猶留三營鎮漢京故
倭釁之來皆能迎其機而逆折之然則倭不利吾軍
之駐朝鮮與吾軍駐朝鮮之有關於東方大局昭昭

序

一

然矣乃乙酉議約吳續二使臣質然徇倭使之請中
日各撤朝鮮兵又申之以有事遣兵互先咨照之文
夫然後藩籬盡撤迨甲午事起倭兵入漢京中國遂
無一將一卒以禦之矣保初既痛甲午之役爲中外
交涉之大變又竊悲先武壯公累疏請置重兵朝
鮮防倭患言不獲用齋志以沒而國威亦遂不振今
且遣使議約儼然敵國矣讀廣文書追敘往事相與
感慨流涕爰出貲序而刊之庶後之覽者有感於斯
文也廬江吳保初

世朝
金鮮

朝鮮世表 奧移史部 五種之一

海門周家祿著

康獻王旦	姓李氏原明洪武三	名成桂全	羅道全州	人仕高麗	官至門下	侍中明太	祖洪武二	申逐高麗	王瑤而自	立三十一	年傳位子	嗽以成祖	永樂六年	薨
恭靖王暉	明洪武三	寅建文二	帝建文二	庚辰即位	樂十	芳遠立	以永樂十	七年薨						
恭定王芳遠	仕高麗官至	密直司代	明建文二	庚辰即位	樂十	芳遠立	以永樂十	七年薨						
莊憲王禔	明永樂十	六年戊戌	嗣位代宗	景泰元年	子瑒									
恭順王珣	明景泰元	年庚午	嗣位	子暉										

朝鮮世表

魯山君暉 惠莊王瑒 悼襄王昉 康靖王斐 燕山君愷 明宏

莊穆王侔	明景泰三年申嗣 年王申嗣 位六年禱廢 次子琛廢 暉自立暉 以英宗天 順元年卒	恭僖王懌	明正德元年 年丙寅卽 位世宗嘉 靖二十三年 年傳位子 崑是年懌 薨
忠宣王溥	明景泰六年 年乙亥卽 位憲宗成 化四年傳 子眺是 年琛薨	榮靖王皓	明嘉靖二年 年甲二 位二年 年辰嗣位 十四年 子無嗣懌 子崑立
莊恪王榘	明成化四年 年戊子嗣 位五年薨 孫葵立	恭憲王頤	明嘉靖二年 年乙二 位四年 年宗隆卽 年懌立
僖順王焯	明成化五年 年己丑奉 王成化五 明己丑奉 年莊妃尹 惠命卽位 氏命卽位 孝宗宏治 七年薨子 懼嗣	昭敬王昫	明憲宗元 年明宗隆 隆慶元年 丁卯奉卽 遺命嗣位 神宗萬曆 三子六年 薨子瑛嗣
恪恭王昫	明武宗正 年武宗正 位元年薨 子懌廢懌 立懌旋卒 懌自	光海君瑋	明憲宗元 年明宗隆 隆慶元年 宗天啟卽 宗孫宗廢 自立瑋以 烈帝崇禎 四年卒
熙康		明萬曆六年 年熹 位十六年 年申嗣位 戊申卽 歷三十六 懌	

今王燮 四盼	莊順王 王 盼	莊正二年 甲辰以世 弟即位 高宗乾隆 四十年一 薨孫願嗣	順治五年 子 諡 恭宣王 祚	順治六年 子 諡 宣恪王 琮	順治十年 子 諡 莊肅王 旻	順治十五年 子 諡 忠敬王 昇
	恭宣王 王 祚	王 祚 封諡格 嘉慶五年 宣宗道 光七年 吳代子 政十四 卒吳子 嗣吳子 五年前	宣恪王 王 琮	莊肅王 王 旻	忠敬王 王 昇	順治十五年 子 諡 世宗 雍正 二年 立
	宣恪王 王 琮	光七年 吳代子 政十四 卒吳子 嗣吳子 五年前	莊肅王 王 旻	忠敬王 王 昇	世宗 雍正 二年 立	順治十五年 子 諡 世宗 雍正 二年 立
	莊肅王 王 旻	光七年 吳代子 政十四 卒吳子 嗣吳子 五年前	忠敬王 王 昇	世宗 雍正 二年 立	順治十五年 子 諡 世宗 雍正 二年 立	順治十五年 子 諡 世宗 雍正 二年 立
	忠敬王 王 昇	光七年 吳代子 政十四 卒吳子 嗣吳子 五年前	世宗 雍正 二年 立	順治十五年 子 諡 世宗 雍正 二年 立	順治十五年 子 諡 世宗 雍正 二年 立	順治十五年 子 諡 世宗 雍正 二年 立

朝鮮世表

二

世孫興宣
大院君是
應次子同
治二年癸
亥奉康穆
妣趙氏命
卽位嗣吳
後世子居

右自明太祖洪武二十五年壬申康獻王旦有國始迄
國朝

今皇帝光緒二十一年乙未王戾爲日本所脅稱自主
之國止凡五百四年傳二十世二十六君孫繼祖二君
支子繼立二君立而見廢三君

朝 鮮 載
詔 備 編

朝鮮載記備編卷一

奧穆史部
五種之二

海門周家祿著

朝鮮未立國之先地屬高麗王氏明太祖洪武七年
高麗大臣李仁任弒其主恭愍王顓立顓寵臣辛晫
子暵暵欲寇遼東使侍中李成桂繕兵成桂軍屯艾
州糧運不繼退還暵怒欲誅之成桂還軍攻暵廢暵
立其子昌尋復廢昌立王氏之後瑤未幾高麗大臣
裴克廉等逐瑤立成桂明會典初以成桂爲李仁任
子成桂旣立遣使辨正成桂後改名且卽康獻王也
康獻王二十一世祖翰爲新羅司空高祖安社由高
麗知宜州入仕元爲南京五千戶所達魯花赤曾祖
行里襲封千戶祖椿高麗贈贊成事父子春高麗判

朝鮮載記備編

一

將作監事朔方道萬戶兼兵馬使康獻王有國追王
四世安社穆王行里翼王椿度王子春桓王

康獻王有國之明年遣學士韓尙質以國名二請於
明太祖曰朝鮮曰和甯得旨稱朝鮮

朝鮮初因高麗之舊建國開城府稱松京尋遷漢陽
府今稱漢京而於松京置留守京畿四府開城廣州
水原江華皆置留守稱留都

恭定王芳遠更定八道曰京畿南曰忠清曰慶尙曰
全羅北曰江原曰黃海曰平安曰咸鏡國中稱慶尙
道曰嶺南忠清曰湖西全羅曰湖南稱咸鏡道曰北
關江原曰關東平安曰關西又曰西京西京卽平壤
箕子舊國也

國界南盡海東北界甯古塔南北約二千餘里東西
一千里東南西瀕海之地周七千餘里北瀕土門鴨
淙二江地周二千七百餘里地形狹長中纖如蠶腰
又如老人僂而立

北境白頭山

卽長白山

分水嶺有

聖祖朝烏喇總管與朝鮮使臣朴權定界碑文曰奉
旨查邊至此審視西爲鴨淙東爲土門故於分水嶺
上勒石爲記康熙五十一年五月十五日按時值朝
鮮僖順王焯時踰土門卽烏喇城甯古塔南界踰鴨
淙中江則盛京界也

平安道狼林山分三大支一支南出爲金剛五臺太

白山一支北出爲廢四郡

間延茂昌虞芮慈城在國
之北境惠莊王塚時廢

一支西達宣川爲一國之鎮山

漢江環繞京畿之南若衣帶江南爲冠岳山北爲南壇山天然形勝海禁旣開虜據腹心雖險無所用之矣

南漢山城卽廣州府莊穆王侖時李曙建築北漢山城由王京彰義門出漢北門十餘里旣隘可達僖順王焯時李濡建築並有險可守

海島大者南曰濟州

一名濟浦

東曰鬱陵鬱陵荒蕨少

人居濟州恭定王芳遠時置旌義大靜二縣

釜山浦與倭通商之口屬東萊都護府高麗之季倭寇充斥李氏開國於海口要隘置萬戶及水軍處置使倭患稍息莊憲王禔時有倭數戶欲居三浦禔嘉

其慕義許之大臣許禡諫不聽至今爲患三浦者熊川之齊浦東萊之釜山浦蔚山之鹽浦也皆在慶尙道東南海口

本朝康熙十七年倭人以舊館隘請闢新館金山鎮西之草梁邨僖順王焯許之遣官董建嗣後倭種繁衍侵陵土著居民反有內徙者光緒初年又增元山仁川二口今倭人接造電綫自對馬島達釜山以通文報瞬息千里將來漸推漸廣不患不直達元山仁川也

元山屬咸鏡道德源都護府光緒初年倭始開市於此築館山上今英德美各國紛紛引例建築矣元山迤北海口有文川永興二灣東北遙通海參歲永興

灣地形向陽眾山環抱海水嚴寒不冰其地可築船
塢英法俄美諸國皆垂涎之光緒六年中俄議約俄
兵船進屯海參崴窺伺永興會約定引去朝鮮一旦
有事元山永興必先爲西人占奪而君臣泄泄開門
揖盜誠不解其何心也

仁川屬京畿道距王京七十里光緒八年之變倭船
七艘集海口兵一日而抵王京都人震恐幸

王師時至轉危爲安蕞爾國其不爲流求之續者幾

希

仁川迤南百餘里海口俗名馬山浦屬南陽府中國
援護之師自此入嗣卽其地置營直達水原府以通
轉運

平壤道江東縣有檀君墓周圍四百十尺恭宣王祿時重修檀君者朝鮮開國之祖東國通鑑所稱神人降檀木下立爲君名王儉建國於唐堯庚子歲者是也

平壤有箕子廟稱崇仁殿置殿令參奉二官府北菴山上有箕子墓城外有箕子井田遺址旁有箕子井井上建閣後人名九囑閣箕子杖年久斷爛析爲二昭敬王昞時相臣俞泓鎔錫傅合之藏諸匱今尙存箕子後覆姓鮮于居平壤者多今王京士大夫亦有箕姓者

高麗時崔朴金李爲四大姓今崔朴稍衰金李猶盛近年閔趙洪鄭駸駸代興矣

士大夫多立朋黨昭敬王昞時有沈義謙金孝元之東西黨主沈者爲西黨主金者爲東黨嗣又有禹性傳李發之南北黨南北黨起而東西之緒絕南北二黨以北黨爲盛北黨又分大小二黨李爾瞻等爲大北黨柳永慶等爲小北黨大北最強鄭昌衍承之又別爲中北黨又蔓延爲清北濁北骨北肉北諸黨僖順王焯時宋時烈爲尹宜舉誌墓論學不合宜舉子拯貽書絕之然時烈故東國大儒爲程朱之學拯所師事者也時論頗右時烈而抑拯自是宋尹之徒分門立論各不相下主宋者爲老論黨主尹者爲少論黨焯之末年定斯文處分嚴勅勿擾然諸黨之子孫互相標榜置學不講而詡詡然號於眾曰吾大北小

北也吾老論少論也國家設立文科非此族焉不在
士籍可謂數典忘祖矣近年來朝士有開化守舊二
黨開化之中又分中國日本黨黨人之禍遂與國是
相終始矣

朝鮮沿高麗之舊士大夫重門第世家大族不與庶
姓爲昏庶姓之子孫不許赴文武科弗與清選以他
途進者雖官至一二品不敢與貴族並坐

前明恭定王芳遠時右代言徐選請下令禁錮庶孽
清選康靖王娶時贊成姜希孟請禁錮庶孽子子孫
孫勿與清選昭敬王昞之世數有邊患兵判李珥始
請立庶孽許通法令輸粟北邊許赴文武科莊穆王
保復改令良妻之孫賤妾之曾孫許赴文武科迫人

本朝僖順王焯用相臣崔錫鼎言命庶姓許除郎署
莊順王吟命除兩司未幾皆廢嗣後宣恪王玠令庶
類限品疏通世子吳代理國政令自今庶類許通外
之守令內之通清與郎署擬入今王熈懲前代之失
亦下令破格用人然儼然冠玉而腰犀者方挾其世
官世祿陵轍儕輩一二孤寒之士偶邀一命仰鼻息
之不暇安敢執金鼓而抗顏行殆亦積重難返已
國嚴良賤之別王京置掌隸院奴婢都監八道置官
校院並掌奴婢多寡之數歲貢錢入司贍寺
國中有東西南北四學設教授訓導掌教生徒
取士有式年新進試式年文科試京畿八道有定額
式年者閒二年一設行初試京外各於前秋舉行覆

試春初咸集王京若中國之鄉會試有式年文科殿
試若中國之新進士殿試遇慶典有增廣試有大增
廣試若中國之恩科鄉會試此外有廷試謁聖試宗
科試耆老科試或稟請或特教設行又有重試有對
舉別試丙年設行皆無定額科目有文科譯科醫科
陰陽科律科而文科爲重文科試經書策論表箋箴
頌制詔詩賦文科殿試三甲合取三十三人甲科三
人乙科七人丙科二十三人狀元賜紅牌牌上書科
分姓名
授從六品官餘賜白牌甲乙丙科遞降授正七正八
正九品官譯科試漢清蒙倭文取漢學十三人清蒙
倭學各二人漢學爲狀元賜白牌授從七品官陰陽
醫律科一等皆授從八品官恭僖王懌時設賢良科

旋罷

仕宦重文科領議政左右議政必用文科爲之如中國大學士之必由翰林院官非文科出身者同列賤之光緒十年吳提督長慶還天津朝鮮奏正使卞元圭奏副使金明均同行元圭官一品明均官三品二人雖同行坐然明均頗輕元圭爲其由譯院進身而身則文科兼老論也

官犯永不敘用贓吏之子再嫁失行女之子孫庶孽之子孫皆不許赴文科出朝鮮會通條例

文廟在王京南門內諸道亦有之配享從祀典禮悉遵中國之制國中前代名賢昌明學術者亦許館學陳請從祀然黨人標榜牽連濫及者不少如恭僖王

懌時則鄭夢周從祀矣光海君瑋時則金宏弼鄭汝昌趙光祖李彥迪李滉從祀矣僖順王焯時則李珣成渾金長生從祀矣莊順王昉時則宋時烈宋浚吉朴世采從祀矣恭宣王祘時則金麟厚從祀矣朝鮮朝野記聞又有安珣崔致遠二人從祀諸人之中惟宋時烈久而論定頗無遺議嘗見宋子全書其論學一本考亭恭宣王祘嘗命儒臣采輯朱子及時烈二書中精語彙爲兩賢傳心錄刊刻頒行傳心之目雖未必盡當然亦足徵一時風尚矣

恭定王芳遠置鑄字所出內府銅範鑄字以印書籍

歷代奉教印行之書有經濟大典康獻王旦時有五

禮儀莊憲王禎時有治平要覽廟時集賢殿奉教纂有高麗史

有東國兵鑑皆恭順王時鄭麟趾纂有國朝寶鑑有經國大典

皆惠莊王琛時有輿地勝覽康靖王契時盧思慎徐居正等纂有東

文選有東國通鑑皆徐居正等纂有大典續錄大典後續錄

康靖王契恭信王時兩次輯錄有續五禮儀莊順王吟時李喆嗣等纂有續大

典吟時具完奎等纂有東國文獻備考有欽恤典則字恤典

則有大典通編有鄉禮合編皆恭宣王時編纂並有關政教

歷代禁習識緯書近代恭宣王疏禁購左道不經書

籍宣恪王玠莊肅王奭禁習西教周文謨黃嗣永劉進吉金大建等傳

習西教皆置重典皆能見其大惜子孫不能世守漸至用夷

變夏足徵守文之難

莊憲王禔製國文二十八字母命成三問申叔舟等

編成一書名曰訓民正音今民間通行鮮文凡漢文

一字輒用鮮文數字譯之禱所遺也

官制參用唐宋其要職有議政府掌百官平庶政有
備邊司掌內外軍政有六曹判書參判掌六官之政
有司憲府掌糾察百官有司諫院掌諫諍論駁有承
政院掌出納王命有春秋館掌記朝政有宏文藝文
館掌文翰辭命有承文司譯院掌事大交鄰語言文
字有軍器寺軍資監掌軍器儲積近年新設統理軍
國事務衙門曰內衙門統理各國交涉事務衙門曰
外衙門內外衙門有總理督辦會辦皆議政大臣兼
領此外四都有留守京畿漢城府有判尹有左右尹
有觀察使有牧使有都護府使有郡守有縣令縣監
有教授訓導有審藥有檢律有譯丞渡丞各道有府

尹有觀察使餘與京畿同咸鏡江原慶尙平安四道各有大都護府平安咸鏡黃海各有譯學訓導慶尙全羅有漢倭學訓導武職京畿有中樞府有五衛都總府有總理營使管理營使鎮撫營使守禦廳使四使用四留守兼攝有鎮營將用都護府兼攝八道各有兵馬節度使有防禦使節制使僉節制使同僉節制使有萬戶有都尉有水軍統禦使有水軍節度防禦節制僉節制同僉節制等使有萬戶有鎮營將別將多以文職兼攝其餘文武職官不勝枚舉

朝鮮有國之初罷諸道私兵皆隸三軍府恭順王珣之世置龍驤虎賁五衛衛有五部榮靖王皓時置衛邊司恭憲王峘時置軍籍都監昭敬王昞時置三道

水軍置訓練都監置束伍軍莊穆王侗時設扈衛廳
 御營廳總戎廳守禦廳忠宣王湔時置水軍僖順王
 焯時置禁衛營恭宣王祘時罷守禦廳出鎮南漢別
 置壯勇營壯勇外營莊肅王奭時罷總戎廳設總衛
 營今惟存龍虎營五衛訓練都監禁衛營御營廳總
 衛營扈衛廳又別置訓練院翊衛司捕盜廳四道參
 軍此歷代軍制之大畧也自光緒八年之變盡罷諸
 營兵置親兵左右營用洋槍習英德二國陳法親兵
 多貴戚豪奴及王京無籍少年一旦餉額出諸軍右
 新兵與舊兵不相下左營多貴姓與右營復不相下
 餉不足額而將領復恣侵漁未幾又有光緒十年之
 變